

## Stáhtaráđi ášahus

### ráfáiduhhton elliid dagahan vahágiid ovddalgihtii eastadeamis ja buhttemis addojuvvon stáhtaráđi ášahusa 2 ja 7 § rievdadeamis

Stáhtaráđi mearrádusa mielde  
rievdaduvvo ráfáiduhhton elliid dagahan vahágiid ovddalgihtii eastadeamis ja buhttemis addojuvvon stáhtaráđi ášahusa (115/2023) 2 § 1 ja 3 momeanta sihke 7 §,  
dakkárin go dat leat, 2 § 1 ja 3 momeanta ášahusas 678/2024 sihke 7 § oassin ášahusas 678/2024, čuovvovaččat:

#### 2 §

##### *Eurohpa uniovnna stáhtadoarjjamuddema guoskadeapmi*

Eallinvuoibmeguovddáš ii oaččo miedihit ráfáiduhhton elliid dagahan vahágiid ovddalgihtii eastadeamis ja buhttemis addojuvvon lága 10 §:s dárkkuhuvvon veahki, 15 §:s dárkkuhuvvon buhtadusa dehe 26 §:s dárkkuhuvvon doarjaga eanan- ja meahccedoallosuorggi ja dálonguovloviidodagaid stáhtadoarjagis addojuvvon komišuvnna háltelinnjáiđ (2022/C 485/01) 23 čuoggás dárkkuhuvvon fitnodahkii, mas leat váttisvuodát. Buhtadusa dehe doarjaga oazžu dattetge miedihit, juos váttisvuodát šaddet buhttenvuloš vahátdáhpáhusas.

Eallinvuoibmeguovddáš galgá almmustuhttit almmolaš diehtofierpmis dieđuid 1 momeanttas namuhuvvon háltelinnjáiđ 112 čuoggás dárkkuhuvvon dieđuin.

#### 7 §

##### *Dieđuid dieđihan- ja seailuhangeatnegasvuohta*

Eallinvuoibmeguovddáš galgá bivdagis doaimmahit eanan- ja meahccedoalloministeriijai 2 § 1 momeanttas namuhuvvon háltelinnjáiđ 650 čuoggás dárkkuhuvvon jahkemuitalusa gáibidan dieđuid ráfáiduhhton elliid dagahan vahágiid ovddalgihtii eastadeamis ja buhttemis addojuvvon lága vuodul miedihanvuloš vehkiid ja buhtadusaid oasis.

Eallinvuoibmeguovddáš galgá dieđihit eanan- ja meahccedoalloministeriijai dieđuid Eurohpa uniovnna doaimmas dahkkojuvvon soahpamuša 107 ja 108 artihkkala guoskadeamis doarjagii, main lean unnán mearkkašupmi, guolástan- ja čahcegilvinsuorggis addojuvvon komišuvnna ášahusa (EU) N:r 717/2014 vuodul miedihuvvon doarjagiiđ álbmotlaš badjeráji gáibádusaid čuovvuma várás.

Eallinvuoibmeguovddáš galgá seailuhit dieđuid 1 momeanttas namuhuvvon lága mielásaš veahkke- ja buhtadusmearrádusain sihke guolledoalloveahkkemearrádusain, mat vuodđuduvvet guollegoaskima bessemii, logi jagi áigge.

Dát ášahus boahtá vuoibmái oddajagimánu 1 beaivvi 2026.

Helssegis 18.12.2025

Biras- ja dálkkádatministtar Sari Multala

Láhkaásahanhoavda Johanna Korpi